

Հայերեն թարգմանությամբ ներկայացնում ենք նիդեռլանդացի անվանի լեզվաբան, մեր հանդեսի խմբագրական խորհրդի անդամ Ֆ. Կորտլանդտի երկու հոդվածը, որոնցում քննարկվում է նորագույն համեմատաբանության տեսության մեջ բեկումնային նշանակություն ունեցած ձայնաձերպայինների հարցը՝ հիմնված առաջին հերթին հայերենի հնագույն (արխաիկ), հատկապես վերջինիս որոշ բարբառներում առկա տվյալների վրա:

Այն կարող է իրական նշանակություն ունենալ հայերենի ընդհանուր պատմության բնագավառում նոր և տեսականորեն հիմնավորված ուսումնասիրությունների ձեռնամուխ լինելու համար: (Գլխ. խմբագիր):

Ֆրեդերիկ Կորտլանդտ
(Նիդեռլանդներ, Լեյդենի համալսարան)

[Հոդված 1]

ՀԱՅԵՐԵՆ ԶԱՅՆԱԾԵՐՊԱՅՆԱՑՈՒՄԸ ՎԵՐԱՆԱՅՎԱԾ Է²

Անջեյ Պիսովիչը վերջին շրջանում (1997 թ.) մեկնաբանել է իմ՝ հայերենի բաղաձայնական երկրորդ տեղաշարժի մասին տեսակետը (1978 թ.): Քանի որ նա ակնհայտորեն սխալ է ըմբռնել իմ փաստարկները, ես այստեղ կփորձեմ պարզաբանել խնդիրը:

Ա. Պիսովիչը համաձայն է իմ այն տեսակետին, որ, այսպես կոչված, շնչեղ ձայնեղները, օրինակ՝ *դ*-ն, պարզ ձայնեղների, ինչպես օրինակ, Կենտրոնական Հայաստանի բարբառների *դ*-ն, երկրորդական զարգացման արդյունք են: Ավելի ուշ դրանք հակված էին կորցնել ձայնեղությունը իրենց տևողության սկզբնական շրջանում և շնչեղությունը փոխել շնչեղ ձայնի (շշունջ) հաջորդ ձայնավորում, որը ստանում է ցածր տոնայնություն³: Ես պետք է գրեմ

¹ Տալիս ենք որոշ տերմինների հայերեն համարժեքներ՝ glottal - ձայնաձերպային (< glossa, այստեղ՝ ձայնաձերպ), glottalized - ձայնաձերպայնացված, murmured - շշնջունային (< murmur - շշունջ, այստեղ՝ շշնջուն):

² F. Kortlandt, Armenian Glottalization Revisited // "Annual of Armenian Linguistics", 1998, 19, էջ 11-14:

³ W. S. Allen, Notes on the Phonetics of an Eastern Armenian Speaker // "Transactions of the Philological Society", 1950, էջ 200 (180-206):

այս [H] շնչեղ ձայնի (կամ շնչեղ ձայնեղի) մասին, ի տարբերություն [h]-ի, որը խուլ շունչ է, օրինակ՝ տ' = [tʰ] շնչեղ խուլի դեպքում:

Այսպիսով, մենք գործ ունենք $\eta > \eta' = [\eta h] > [tʰh]$ զարգացման հետ, որը տարբեր է [տհ]-ից Կենտրոնական Հայաստանի բարբառներում՝ Երևանից մինչև Սեփաստիա: Այս զարգացումն ունի իր կատարյալ գուգահեռը Փենջաբիում, որտեղ հնդկական շնչեղ ձայնեղը դարձել է պարզ խուլ, որին գումարվում է հաջորդ ձայնավորի ցածր տոնայնություն, օրինակի համար՝ *ghoRā > kōRā* «ձի»⁴: Այստեղից կարող ենք եզրահանգել, որ շնչեղ ձայնեղների և խուլների միախառնումը երկու տարբեր փուլերով է ընթանում. առաջինը բաղաձայնի սկզբնական մասի ձայնագրկումն է (ինչպես Կենտրոնական Հայաստանի բարբառներում է), իսկ երկրորդը հաջորդող ձայնավորի կողմից ձայնի կլանումն է (կամ ձայնագրկումը, որպեսզի խառնվի խուլ շնչեղի հետ):

Իմ և Պիսովիչի միջև հիմնական անհամաձայնությունը կապված է արևելյան հայերենի *ս*, *տ*, *կ* բաղաձայնների առաջնային կամ երկրորդական ձայնաձերպայնացման բնույթի հետ: Պիսովիչը կարծում է, որ ձայնաձերպայնացված հնչյունները «ավելի շատ երկրորդական են, քանի որ հին հայերենում նրանց հաճախականությունը քիչ էր», և որ դա «առանձնացնում է նրանց՝ որպես գոյություն ունեցող հակադրության չնշույթավորված անդամ»⁵:

Այս փաստարկն ամբողջապես անհասկանալի է ինձ համար: Եթե հատկանիշը հազվադեպ հանդիպող է, ապա ինչո՞ւ այն պետք է երկրորդական լինի: Ընդհակառակը, ես ավելի կնախընտրեի այն համարել հազվագյուտ հնաբանություն: Արդյո՞ք ոչ հաճախակի հանդիպող հատկանիշը բնորոշ է գոյություն ունեցող հակադրության չնշույթավորված անդամներին: Ավելի շուտ ես կպնդեի հակառակը: Պիսովիչը ձայնաձերպայնացված բաղաձայնների առկայությունը Համշենի և Զեյթունի այն բառերում, որոնք սկզբնապես ունեցել են *բ*, *դ*, *գ* բաղաձայններ, ներկայացնում է որպես փաստարկ հոգուտ «հայերենի բոլոր ձայնաձերպայնացված բաղաձայնները որպես երկրորդական դիտելուն» (նույն տեղում):

Սա անկասկած անհիմաստ է, և Պիսովիչն էլ այդ շատ լավ

⁴ Հմմտ. F. Kortlandt, Proto-Indo-European Glottalic Stops: The Comparative Evidence // "Folia linguistica Historica", 1985, 6, էջ 193 (183-201):

⁵ A. Pisowicz, Consonant Shifts in Armenian Dialects during the Post-Classical Period Revisited // "Armenian Perspectives". 1997, էջ 217 (251-230):

գիտեր, քանի որ ձայնեղ բաղաձայնների առկայությունն արևմտահայերենի՝ սկզբնապես *պ, տ, կ* բաղաձայններ ունեցող բառերում նա չէր համարում որպես փաստարկ՝ հոգուտ հայերենի բոլոր ձայնեղ բաղաձայնների երկրորդական դիտելուն: Իրականում խնդիրն այն է, թե արդյո՞ք հայերենի ձայնաձերպայնացումն առաջացել է Պիսովիչի «արևելյան զարգացման առաջին փուլում»⁶, թե՞ արդեն կար նախահայերենում, ինչպես էս եմ պնդում:

Ամենակարևոր խնդիրը հարավային բարբառների զարգացումն է, որտեղ *պ, տ, կ* և *բ, դ, գ* բաղաձայնները փոխվել են տեղերով: Ըստ Պիսովիչի հաշվարկների՝ մենք պետք է հետևենք իրադարձությունների հետևյալ զարգացմանը.

Ա[րևմտ.] 1. Ձայնեղ *բ* > շնջյունային *[պհ]*.

Ա[րևմտ.] 2. Խուլ *պ* > ուժեղ (fortis) *պ* > ձայնեղ *բ*.

Ա[րևմտ.] 3. Հազագային/շնջյունային *[պհ]* > խուլ *[պ]*.

Ե՛վ *պ*-ն, և՛ *բ*-ն մնում են տարբեր շնչեղ խուլ *պ' = պհ*/-ից, որտեղ ձայնի վրա հասնելու ժամանակահատվածը հետաձգվում է:

Այս հարցում դժվարությունն այն է, որ անորոշ է մնում, թե ինչպես *պ*-ն և *բ*-ն կարող են փոխվել տեղերով: Եթե մենք ուժեղ *պ*-ն ներկայացնենք որպես *[պբ]*, ապա ձայնային գրոհի ժամանակահատվածի երկարացման *բ* > *[պհ]* > *պ* և ձայնային գրոհի ժամանակահատվածի կրճատման *պ* > *[պբ]* > *բ* միավորումը ակնհայտորեն չի առաջացնում հնչույթային փոփոխություն: Ձայնի պահումը և ազատ արձակումն անշունչ բաղաձայններում ավելի երկար չեն, քան շնչեղ ձայնեղներում, և ոչ մի պատճառ չկա ենթադրելու, որ այն երբևէ եղել է⁷: Այսպիսով, հարց է առաջանում, թե ուժեղացումը և համապատասխան թուլացումը *պ* > *[պբ]* > *բ* հերթագայության մեջ ինչ է իրականում նշանակում: Եթե բաղաձայնական երկարությունը դեր չի խաղում, ապա ուժեղացման հատկանիշը պետք է բացատրվի խոչակային/կոկորդային առանձնահատկությամբ, այսինքն՝ ձայնաձերպայնացմամբ: Փաստորեն, կոկորդային փակվածության առկայությունը պարզաբանում է, թե ինչու է ձայնի վրա հասնելու ժամանակահատվածը կարճանում *պ* > *[պբ]* > *բ* հերթագայության մեջ, մինչ այն երկարում է *բ* > *[պհ]* > *պ* անցման մեջ:

⁶ Նույն տեղում, էջ 226:

⁷ A. Khachaturian, The nature of Voiced Aspirated Stops and Affricates in Armenian Dialects // "Annual of Armenian Linguistics", 1983, 4, p. 61 (57-62):

Այժմ հաջորդ հարցը հետևյալն է. ե՞րբ է առաջացել ձայնաձերպայնացումը:

Արևելյան հայերենի համար Պիսովիչը կարծում է, որ պարզ խուլ բաղաձայններ *ւ*, *տ*, *կ*-ն «ձայնաձերպայնացումը ձեռք են բերել որպես տարբերակիչ հատկանիշ: Այս գործընթացը կարող է համարվել ուժեղացման շարունակություն»⁸:

Ա[րևել.] 1. Չայնեղ *բ* > հազագային/շնջյունային [*պհ*],

Ա[րևել.] 2. Խուլ *ւ* > ուժեղ (*fortis*) *ւ* > ձայնաձերպայնացված [*ւ*'],

Ա[րևել.] 3. Նոր ձայնեղ *բ*-ի առաջացումը փոխառյալ բառերում:

Մուշի բարբառում միջին և վերջին դիրքերի համար Պիսովիչը ավելացնում է.

Ա[րևել.] 4. Չայնաձերպայնացված [*ւ*'] > ձայնեղ *բ*,

Ա[րևել.] 5. Հազագային/շնջյունային [*պհ*] > խուլ [*փ*]:

Քանի որ Ա[րևել.] 2 գումարած Ա[րևել.] 4 զարգացումը հավասար է Ա[րևմտ.] 2-ին, ապա շատ ավելի հեշտ է դառնում ճանաչել ուժեղացումը ձայնաձերպայնացման առաջացմամբ: Քանի որ ձայնաձերպայնացումը կարելի է ենթադրել նաև հարավային բարբառներում, ինչպես արդեն նշվել է վերևում, ապա այն կարելի է վերականգնել նախահայերենում: Սա դուրս է թողնում «ուժեղացումը»՝ որպես վաղ հայերենի զարգացում, և ձայնաձերպայնացման առաջացումը կապում նախապատմական ժամանակների հետ:

Վանի բարբառի համար, ներկայացնելով որպես կենտրոնական խմբից ծագած բարբառ, Պիսովիչը ենթադրում է հետևյալ զարգացումը⁹.

Ա[րևել.] 6. Հազագային/շնջյունային [*պհ*] > ձայնաձերպայնացված [*ւ*']

Սա բավականաչափ անբնական զարգացում է, քանի որ ձայնաձերպայնացումը և շնչեղ ձայնն ամբողջապես հակառակ խոչալային հատկանիշներ են: Շատ ավելի հավանական է, որ ձայնաձերպայնացված [*ւ*']-ն առաջացել է պարզ [*ւ*]-ից, որն էլ առաջացել է *բ*-ի խլացումից: Ակնհայտ թվում է, թե կա մի սկզբնական

⁸ A. Pisowicz, նշվ աշխ., էջ 225:

⁹ A. Pisowicz, նշվ աշխ., էջ 229:

պարզ բաժանում այն բարբառների միջև, որոնք ունեն շնչեղ ձայնեղներ և այնպիսիները, որոնցում գործում է Աճառյանի օրենքը, որը նշում է սկզբնական սահմանային գիծը մի կողմից՝ կենտրոնական բարբառների (ներառյալ Արարատյանը), մյուս կողմից՝ Վանի և Ղարաբաղի բարբառների միջև: Վերջին բարբառային ձևի աշխարհագրական բաժանումը, որը նաև հանդիպում է Արարատյան տարածքի առանձին շրջաններում, ենթադրում է, որ շնչեղ ձայնեղների բացակայությունն այստեղ դիտվում է որպես հնաբանություն: Ես, ըստ այսմ, հակված եմ հետևյալ հարաբերական ժամանակագրությանը, որը ես ներկայացրել եմ քսան տարի առաջ¹⁰:

Հ[այ.] 1. Չայնեղ $\eta > \eta' > [տh]$ կենտրոնական բարբառներում (Երևանից մինչև Սեֆաստիա),

Հ[այ.] 2. $\eta > [տ]$ խլացում հարավարևելյան բարբառներում (Սասուն, Վան, Ղարաբաղ),

Հ[այ.] 3. Արևմտահայերենի բաղաձայնական տեղաշարժ՝ $տ = [տ'] > \eta$,

Հ[այ.] 4. Տեղային զարգացումներ՝ $տ > \eta$, $տ > տ'$, $[տh] > [թ]$:

Իմ հաշվարկների հիմնական կետն այն է, որ հարավային բարբառները, օրինակ՝ Սասունը, պետք է ծագած լինեն հարավարևելյան տիպից (Վան), ոչ թե կենտրոնական բարբառներից:

[Հոդված 2]

ՆԱԽԱՀՆԴԵՎՐՈՊԱԿԱՆ ՁԱՅՆԱԾԵՐՊԱՅԻՆ ԲԱՂԱՁԱՅՆՆԵՐ: ՎԵՐԱՆԱՅՎԱԾ ԱՊԱՑՈՒՅՑՆԵՐ¹¹

Մեկ այլ տեղ ես պնդում եմ, որ հնդեվրոպական նախալեզվի ոչ շնչեղացած ձայնեղ բաղաձայններն իրականում եղել են փափուկ ձայնաձերպայնացած¹²: Մարտին Կումելը մերժում է իմ պնդումը իր հնդեվրոպական բաղաձայնական տեղաշարժերի համեմատա-

¹⁰ F. Kortlandt, նշվ աշխ., 1978, էջ 13:

¹¹ F. Kortlandt, The Evidence revisited Proto-Indo-European glottalic stops: The evidence revisited (World Wide Web [pdf], 2012). <http://www.kortlandt.nl/publications/art282e.pdf>

¹² Օրինակ՝ F. Kortlandt, Studies in Germanic, Indo-European and Indo-Uralic, Amsterdam: Rodopi, 2010, էջ 53-65 և հզ.:

կան ուսումնասիրության մեջ¹³: Այսպիսով, տեղին կլինի մասնավորել մեր անհամաձայնության հիմքերը:

Իմ վերականգնումը հիմնված է հնդիրանական, հայերեն, բալթյան և գերմաներեն նյութի ուղղակի ապացույցների և հնդիրանական, հունարեն, լատիներեն և սլավոնական նյութի անուղղակի ապացույցների վրա: Կումելը մերժում է հնդիրանական, հայերեն, լատիներեն, գերմաներեն և բալթյան նյութի ապացույցները և անուշադրության է մատնում հունարեն և սլավոնական ապացույցները¹⁴: Հետևելով ավանդական տեսակետին՝ Կումելը վերականգնում է հինգ խուլ, հինգ ձայնեղ և հինգ շնչեղ ձայնեղ բաղաձայններ¹⁵, հաշվի չառնելով այն հանգամանքը, որ երրորդ խումբը չենք կարող գտնել հնդկականից դուրս, և այսպիսով նրանք ազատ կարող են առաջացած լինել ենթաշերտ լեզվի ազդեցության տակ: Քանի որ բոլոր մյուս լեզուները, բացի հունարենից, որն ունի խուլ շնչեղներ, և իտալերենից, որն ունի շփականներ, նշում են պարզ ձայնեղ բաղաձայնները, բնական կլինի վերականգնել պարզ ձայնեղ բաղաձայնները շնչեղ ձայնեղների փոխարեն, հատկապես այն պատճառով, որ սրանք հանդիպում են նաև առանձնացած լեզուներին ամենամոտ ցեղակից լեզուներում (իմա՝ իրանական, փոյոգերեն և կելտական՝ համապատասխանաբար): Ավանդական մեթոդի պնդման պատճառն ակնհայտորեն այն փաստն է, որ սանսկրիտը, հունարենը և լատիներենը պատկանում են առանձնացած լեզուներին, և գիտնականները դժվարանում են հեռանալ այն լեզուներից, որտեղ նրանց վերականգնումները սկզբնապես հիմնված են¹⁶: Շնչեղ ձայնեղների՝ որպես ձայնեղ բաղաձայններ վերաիմաստավորելու գլխավոր խոչընդոտը, անկասկած, այն ենթադրությունն է, որ ավանդական ձայնեղ բաղաձայնները իսկապես եղել են պարզ ձայնեղ բաղաձայններ: Թողնելով այս ենթադրությունը՝ հնարավոր է դառնում բացատրել հնդիրանականում, հայերենում, սլավոնականում, բալթյան լեզուներում, գերմաներենում, լատիներենում և հունարենում մի շարք երևույթներ: Պատճառը, թե ինչու

¹³ M. J. Kümmel, Konsonantenwandel (Wiesbaden: Reichert Verlag), 2007, հատկապես էջ 303-309:

¹⁴ Հմմտ. F. Kortlandt, Studies in Germanic, Indo-European and Indo-Uralic, էջ 105-109: Եվ հատկապես *Unilabial*, Baltica & Balto-Slavica, Amsterdam: Rodopi, 2009, էջ 51-109:

¹⁵ M. J. Kümmel, Konsonantenwandel, Wiesbaden: Reichert Verlag, 2007, էջ 428:

¹⁶ M. Mayrhofer, Sanskrit und die Sprachen Alteuropas: "Zwei Jahrhunderte des Widerspiels von Entdeckungen und Irrtümern", Göttingen: Vandenhoeck & Ruprecht, 1983:

ավելի վաղ շրջանի գիտնականներն այս հնարավոր տարբերակը հաշվի չեն առել, այն է, որ ձայնաձերպայնացումը, մինչև ժամանակակից բարբառագիտության զարգացումը, եղել է գրի չառնված հատկանիշ¹⁷:

Ալեքսանդր Լուրոտսկին առաջարկել է, որ հնդիրանականում կոկորդայինը (*laryngeal* = խոչակայինը) անհետացել է ձայնաձերպային փակվածքից առաջ, երբ վերջինիս հաջորդել է մեկ այլ բաղաձայն, օրինակ՝ վեդայական *pajrá-* «ամուր», *pakṣá-* «թև», *pakṣín-* «թռչուն», *pákṣas-* «կողմ» ի հակադրություն *pāpaje* «ամրացած», *pājas* «շրջանակ», *pājasya* «լանջ, կողք» ձևերի: Այս զարգացումը դառնում է հասկանալի, եթե խոչակային գումարած ձայնաձերպային **-Hg-* հաջորդումը ընկալվում է որպես ձայնաձերպային գումարած նախաձայնաձերպային ձայնեղ փակվածք *[?ʔg]*: Չնայած Լուրոտսկին ներկայացնում է խոչակային և ձայնաձերպային բաղաձայնների տասնչորս արմատներ հին հնդկերենում կարճ արմատական ձայնեղությամբ, որոնցից հինգը ունեն համապատասխանություններ ավեստայի կարճ արմատի ձայնավորի հետ, միննույն է, Կումելը չի համոզվում:

Ես պնդում եմ, որ Սինդհիի նախաձայնաձերպային ձայնեղ բաղաձայնները հնաբանություն են¹⁸: Այս լեզվում *d* և *dh* խմբի անվերապահ արտացոլումը խոչակային և շնչեղ է՝ համապատասխանաբար, մինչդեռ *dh* շարքի տարնմանությունը վերջերս առաջացած շնչեղներից առաջ գոյացնում է պարզ ձայնեղների խումբը, օրինակ՝ *gāh*¹⁹ «խայծ» < *grāsa-*, ի հակադրություն *gāh*²⁰ «կեր» < *ghāsa-*: Ձայնաձերպային արտասանությունը չի կարելի վերագրել ներքին ազդեցության, քանի որ շրջակա և ոչ մի լեզվում չենք կարող գտնել ինչ-որ համեմատելի բան: Կումելը առարկում է, որ ավելի հին հնդիրանական շնչեղներից առաջ շնչեղների տարնմանությունը առաջացրել է Սինդհիի ձայնաձերպային բաղաձայնները¹⁹, օրինակ՝ *badhō* «սահման, ցատկել» < *baddhá-*, *ḍahi* «կաթնաշոռ» < *dádhi*: Այս առարկությունը սխալ է, քանի որ այն միայն ցույց է տալիս, որ խուլ ձայնեղ բաղաձայնները ձայնաձերպային էին տարնմանության շրջանում: Նրա այն կարծիքը, որ ձայնաձերպայ-

¹⁷ F. Kortlandt, *Studies in Germanic, Indo-European and Indo-Uralic*, էջ 12-18:

¹⁸ F. Kortlandt, *Studies in Germanic, Indo-European and Indo-Uralic*, էջ 121-124:

¹⁹ M. J. Kümmel, նշվ. աշխ., էջ 189:

նացումը առաջացել է նախաձայնային դիրքում և կրկնապատկումից²⁰, սխալ է, քանի որ ես տեսնում եմ միջձայնավորական –j- < –yy- հակադրություն և սկզբնական 'j-ի տարնմանում j-ին հաջորդող *-H- [?]-ից առաջ²¹:

Փենջաբիի նյութը նույնպես պահանջում է նախաձայնաձերպայնացած ձայնեղ փակվածքների գոյությունը ավելի վաղ շրջանում: Այս լեզվում շնչեղ ձայնեղները դարձել են ոչ շնչեղ խուլեր, ցածր տոնը թողնելով հաջորդ ձայնավորին, օր.՝ *kōrā* «ձի», հինդի *ghorā*: Քանի որ շնչեղ խուլերը պահպանվել են որպես առանձին կարգ, պարզվում է, որ *dh* շարքը հնչույթապես շնչեղ չի եղել ձայնագրկման ժամանակ, մինչդեռ ձայնաձերպային բաղաձայնները պահպանվել են այդ շրջանում²²: Ավելին, *d* շարքը հաջորդ ձայնավորի տոնը չի ցածրացնում: Սա մատնանշում է նաև ձայնաձերպային հատկանիշի պահպանումը: Նշենք, որ Քաշմիրիում և Նուրիստանում չկան շնչեղ ձայնեղներ²³, որը կարելի է համարել հնաբանություններ այդ լեզուներում:

Հայերենի բարբառների համեմատական քննությունը ցույց է տալիս, որ ձայնաձերպայնացումը հին է համեմատած հ.-ե. ոչ շնչեղ ձայնեղների հետ²⁴: Կումելը հայերենի հյուսիսային բարբառների ձայնաձերպայնացած փակվածքները կապում է կովկասյան հիմքլեզվի ազդեցության հետ՝ առանց հաշվի առնելու համապատասխան հատկանիշի աշխարհագրական տեղաբաշխումը: Քանի որ հայերենի հարավային բարբառները կարևոր են նախահայերենի բաղաձայնական համակարգի վերականգման համար, և Կումելը նույնիսկ չի էլ նշել այդ խնդիրը, ես այստեղ չեմ անդրադառնա այդ հարցին: Ուշադրություն դարձրեք, որ ձայնաձերպային արտասանության տարբերակիչ հատկանիշը ակնհայտ է շնչեղի գործածությամբ, ոչ թե ձայնաձերպայնացած պայթականի, որ կարելի է տեսնել 19-րդ դարի ռուսերեն փոխառյալ բառերի մեջ, օրինակ՝ *p'eč'* «վառարան» և *manet'* «փող»²⁵:

²⁰ Նույն տեղում:

²¹ *F. Kortlandt*, նույն տեղում:

²² *A.-G. Haudricourt*, *Les mutations consonantiques (occlusives) en indo-européen // "Mélanges linguistiques offerts à Émile Benveniste"*, Louvain: Peeters, 1975, էջ 271 (267-272):

²³ *M. J. Kümmel*, *Konsonantenwandel*, Wiesbaden: Reichert Verlag, 2007, էջ 438:

²⁴ *F. Kortlandt*, *Armeniaca: Comparative notes*, Ann Arbor, Caravan Books, 2003, էջ 20-25, 126-128: Նույնի, *Studies in Germanic, Indo-European and Indo-Uralic*, էջ 57-61):

²⁵ *A. Pisowicz*, *Le développement du consonantisme arménien*, Wrpclaw, Polska Akademia Mauk, 1976, էջ 18:

Ըստ Լախմանի օրենքի՝ լատիներեն *agō*, *legō* ձևերից *actus* «արված», *lectus* «հավաքված» բառի արմատի երկար ձայնավորը, ի հակադրություն *faciō*, *vehō* ձևերի *factus* «պատրաստված», *vectus* «տարած» բառերի արմատի կարճ բաղաձայնների, ծագել է առաջին բայերում հաջորդող ոչ շնչեղ ձայնեղներից, ի հակադրություն վերջինների խուլ կամ ձայնեղ շնչեղ բաղաձայնների: Ֆերդինանդ դը Սոսյուրը պնդում է, որ նման նախափոխալան ձևերը, ինչպես **agtos*-ը պետք է ունենան նույն ծագումը, քանի որ արմատի վերջին փակվածքն արդեն իսկ ձայնագրկված է եղել նախահնդեվրոպական ժամանակներում²⁶: Այս պնդումը հիմա մերժվում է այն տեսությամբ, ըստ որի ոչ շնչեղ ձայնեղները իրականում եղել են ձայնածերպայիններ²⁷: Լախմանի օրենքի խնդիրները մեծամասամբ լուծվել են Մանիեի²⁸ և Կոլինջի²⁹ կողմից, որոնք ցույց են տվել, որ ձևաբանական տարաբնույթ բացատրությունները համոզիչ չեն, և որ այն հնչյունաբանորեն պայմանավորված զարգացում է եղել: Նրանց աշխատանքը ակնհայտորեն ծանոթ չէ Կումելին, որ դեռ հակառակն է պնդում³⁰:

Բայթիկ-սլավոնական լեզուներում, հնդեվրոպական ոչ շնչեղ ձայնեղները առանձնացել են և դարձել ձայնածերպայինի և պարզ ձայնեղի հերթագայում: Առաջին մասը միացել է նախահնդեվրոպական կոկորդայինների, իսկ վերջին մասը ենթադրյալ շնչեղ ձայնեղի հետ: Սա Վինտերի օրենքն է³¹: Ստացված ձայնավոր գումարած ձայնածերպային հերթագայումը մնում է տարբեր հնդեվրոպական երկար աստիճանի ձայնավորներից³²: Ձայնածերպայնացումը պահպանվել է լիտվերենի ժամայտյան բարբառներում՝ շեշտի տակ, և լատվիերենում՝ անշեշտ վանկերում³³: Սլավոներենում,

²⁶ F. de Saussure, Sur un point de la phonétique des consonnes en indo-européen // "Mémoires de la Société de Linguistique de Paris", 1889, 6, էջ 256 (246-257):

²⁷ F. Kortlandt, Italo-Celtic origins and prehistoric development of the Irish language, էջ 87-89, 121-123, 149-151:

²⁸ A. Maniet, La 'Loi de Lachmann' et les antinomies de l'allongement compensatoire. *Hommage à Max Niedermann* (Bruxelles: Latomus), 1956, էջ 230-237:

²⁹ N. E. Collinge, Lachmann's law revisited // "Folia Linguistica", 8, 1975, էջ 223-253:

³⁰ M. J. Kümmel, նշվ. աշխ., էջ 305:

³¹ Օրինակ՝ F. Kortlandt, Baltica & Balto-Slavica, էջ 65-76:

³² Նույն տեղում, էջ 51-64:

³³ R. Derksen, An introduction to the history of Lithuanian accentuation // "Studies in Slavic and General Linguistics, 16: Studies in West Slavic and Baltic Linguistics", Amsterdam: Rodopi, 1991, էջ 45-84: Նույնի՝ On the origin of the Latvian tones // "Linguistica Baltica", 4, 1995, էջ 163-168:

ձայնածերպային բաղաձայնը անհետանում է կոմպենսացվող երկարացմամբ շեշտի նախընթեր և նախավերջընթեր դիրքերում և առանց կոմպենսացվող երկարացմամբ առաջին վերջընթեր վանկի շեշտի տակ³⁴: Ձայնածերպայնացումը պահպանվել է ռուսերենում լատվիերենից փոխառությունների վաղ շրջանում³⁵: Աթաբասկերենում սլավոնական զարգացումների ակնհայտ զուգահեռ կա³⁶: Այն ենթադրում է, որ Վինտերի օրենքը չի կարող բացատրվել որպես պարզ երկարացում ձայնեղից առաջ³⁷: Ի տարբերություն «կոտրված տոնի» (broken tone) (= ձայնածերպայնացում) արևելյան բալթյան տոնային ուրվագիծը ծագում է շեշտի ներքաշումից³⁸:

Գերմաներենում, վարկածը, ըստ որի ոչ շնչեղ ձայնեղները նախաձայնածերպայնացված բաղաձայններ էին, հանգեցնում է նախաձայնածերպայինների ծագմանը դանիերենի արևմտյան բարբառներում (the vestjysk stød), նախաշնչեղացման առաջացմանը իսլանդերենում և Սկանդինավիայի այլ վայրերում, ավելի երիտասարդ *fupark-*-ի ծագմանը, Սկանդինավիայի մեծ մասում ռնգային բաղաձայնների առնմանմանը հաջորդ բաղաձայնի հետ, հյուսիսային և արևմտյան գերմաներենում տարբեր մակարդակների կրկնակիացմանը, գրական անգլերենում նախաձայնածերպայինների առաջացմանը, վերին գերմաներենում կիսաշփականների և կրկնակիացված շփականների առաջացմանը և ֆրանկոնյան տոնային ակցենտների ծագմանը³⁹: Կա կոնկրետ զուգահեռ նախաշնչեղացման առաջացման համար նախաձայնածերպայիններից բուրմեսյան *hp* < **?p*, բացի *p* < **b* ձայնազրկումից հետո⁴⁰: Կա ուժեղ հարաբերակցություն նախաձայնածերպայնացման, նախաշնչեղացման, կրկնակիացման և ձայնայինների ձայնազրկման միջև Սկանդինավիայում⁴¹: Անգլերենի կոկորդային բաղաձայնը տալիս է նույն լսողական տպավորությունը, և թվում է, թե ունի նույն ար-

³⁴ F. Kortlandt, Selected writings on Slavic and general linguistics, Amsterdam: Rodopi, 2011, էջ 157-176, 277-309:

³⁵ F. Kortlandt, Baltica & Balto-Slavica, էջ 46:

³⁶ F. Kortlandt, Selected writings on Slavic and general linguistics, էջ 413-415:

³⁷ M. J. Kümmel, Konsonantenwandel, 2007, էջ 307:

³⁸ R. Derksen, նշվ. աշխ.:

³⁹ F. Kortlandt, Studies in Germanic, էջ 165-199, 249-257, 293-318:

⁴⁰ D. Bradley, Proto-Loloish, London, Curzon Press, 1979, էջ 130:

⁴¹ G. Ó. Hansson, Remains of a submerged continent: Preaspiration in the languages of northwest Europe // "Historical Linguistics" Amsterdam: Benjamins 2001, էջ 157-173: F. Kortlandt, Studies in Germanic, Indo-European and Indo-Uralic, էջ 293-303:

տասանությունը, ինչ *vestjysk stød*-ը⁴²: Վերին գերմաներենի բաղաձայնական տեղաշարժն ունի իր կատարյալ համարժեքը անգլերենի լիվերպուլյան բարբառում, որտեղ հանդիպում են, օրինակ՝ *[kx] can't* [“չի կարող”], , *back* [“հետ, հետև”] բառաձևերում⁴³:

Կումելը առարկում է, որ “*einfache intervokalische Plosive keine Spuren von Glottalisierung zeigen*” [= միջձայնավորային պայթականը ոչ մի կերպ ձայնաձերպայնացում ցույց չի տալիս]⁴⁴: Սա սխալ կարծիք է, քանի որ մենք իրականում կարող ենք գտնել և՛ նախաշնչեղացում, և՛ նախաձայնաձերպայնացում, օրինակ՝ ֆարյորերեն *eta* [e:hta], *opin* [o:hpin], անգլերեն *eating* [“ուտելիք”], *open* [“բաց”], հին հյուս. ումբր. *eatta*, *brecca*, հին վերին գերմաներենում կրկնակիացումը *ezzan*, *offan*⁴⁵: Կումելը նախաշնչեղացումը և նախաձայնաձերպայնացումը համարում է վերջին նորույթներից, քանի որ նրանք հանդիպում են նաև փոխառյալ բառերում: Ինչպես Սինդիի տարնմանման ժամանակ, առարկությունը սխալ է, քանի որ այն միայն ցույց է տալիս, որ փոխառության ժամանակ ուժեղ բաղաձայններն ավելի լավ թեկնածուներ էին օտար խուլ պայթականներն արտահայտելու համար, քան թույլ բաղաձայնները, որոնք օգտագործվում էին օտար ձայնեղ պայթականներն արտահայտելու համար: Կումելը նշում է հնարավորությունն նախաշնչեղացման առաջացումը վերագրել Սաամի ազդեցությանը: Սա բացարձակապես հավանական չէ, քանի որ նախ շատ քիչ հարաբերություններ են եղել սկանդինավյան ծովագնացների, ովքեր գաղութացրել են ափերը, և Սաամիի հյուսիսային եղջերուների հովիվների միջև, որոնք թափառում էին երկրի խորքերում: Եվ երկրորդն էլ, քանի որ Սաամի բնակչության շատ փոքր մասն է ապրել Ում գետի հարավում⁴⁶: Եվ երրորդը, որովհետև այդ երևույթը դժվար հասներ այնքան հեռու, ինչպես Իռլանդիա և Շոտլանդիա, առանց լայն տարածում գտած միջամուսնությունների, որի մասին ոչ մի ապացույց չկա:

⁴² K. Ringgaard, *Vestjysk stød*, Aarhus, Universitetsforlaget, 1960, էջ 199:

⁴³ A. Hughes, P. Trudgill, *English accents and dialects: An introduction to social and regional varieties of British English*, London: Edward Arnold, 1987, էջ 66:

⁴⁴ M. J. Kümmel, նշվ. աշխ., էջ 305:

⁴⁵ F. Kortlandt, *Studies in Germanic*, էջ 223, 267, 297:

⁴⁶ P. Sammallahti, *The Saami languages: An introduction*, Kárášjohka, Davvi Girji, 1998, էջ 6-38:

Այսպիսով, ես եզրակացնում եմ, որ Կումելի վերականգնումը հիմնված է Լուբոտսկու օրենքի մերժման, Սինդիի ապացույցները հաշվի չառնելու, փենջաբիի, հայերենի, հունարենի, սլավոներենի և բալթյան լեզուների նյութը անտեսելու, նրա՝ Լախմանի օրենքը որպես հնչյունական զարգացում մերժման, նաև գերմաներենի նյութը շրջանցելու վրա: Այն դրսևորում է ուժեղ կողմնակալություն նախահնդեվրոպական ավանդական վերականգման հարցում և հակասում է տիպաբանական նորմալ զարգացումների հերթագայությանը $t > t' > 'd > d > d^h > t^h$, ինչպես նաև $t > d > t > t^h$ ⁴⁷: Ենթադրյալ $d^h > d$ զարգացումը Կումելը բերում է բոլոր լեզուների համար, բացի հնդկերենից, հունարենից, և իտալերենը ուրիշ ոչ մի տեղ հաստատված չէ: Իմ կարծիքով, նախահնդեվրոպական համակարգը *t:, *t', *t, որը առաջացել է հարավկովկասյան հիմք լեզվի ազդեցության տակ⁴⁸, դարձել է *t, *'d, *d, բացի անատոլիականից և թոխարականից, հետո *t, *d, *P/d իտալանում, *t, *d, *t^h հունարենում, ավելի ուշ *P, *'t, *t գերմանական լեզուներում, *t^h, *t', *d հայերենում, *t, *'d, *d^h հնդկերենում, *t, *?d, *d բալթիկ-սլավոնականում, և *t, *d իրանականում, ալբաներենում, փոյուգերենում և կելտական լեզուներում:

⁴⁷ A. - G. Haudricourt, նշվ. աշխ., էջ 269:

⁴⁸ F. Kortlandt, նշվ. աշխ., էջ 35-39: